






宛陵先生詩集





宛陵先生文集目錄卷第六

和曹光道風枝檜

飲劉原甫家

送盛押曹供奉

答仲源遺酒

送張生還和州

李少傅夫人挽詞

送韓寺丞宰蕭山

蔡君謨示琴牙

和原甫省中新菊

和仲源獨夜吟

寄題琨瑤洞

許生南歸

得根柢戲酬

寄題杭州法喜堂

題滿僧錄西明軒

寄題撫州息心亭

送李大傳

送道損司門



送雪竇穎長老

送襄邑杜太守

送晉原喬主簿

病後宿舍

閔尚衣盜袴

胡夫人挽歌

裴直講遺鹹豉

贈吞如晦水梨

送樂職方知泗州

和劉原甫試墨

喜雪

送劉職方知汾州

雪後晚過天漢橋

送崔殿丞知廬州

見水牛拽車

吳太守遺柑子

和普公東園十題

目錄終

宛陵先生文集卷第十六

和曹光道風校三檜

飄風西北至樹苦萬縴牽君家三古檜繁根龍地

纏其固謂不拔朱欄擁青塼今同秀林木摧倒誰

復憐安得百力士扶持尚可全慎勿伐作薪豈無

庭燎然

飲劉原甫家原甫懷二古錢勸酒其一齊

之大刀長五寸半其一王莽時金錯刀長

二寸半

主人勸客飲勸客無天妍欲出古時物先請射以



年我料孔子履久化武庫煙固知陶氏梭飛未風  
雨天世無軒轅鏡百怪爭後先復聞豐城劍已入  
平津淵聊儲二百載儻有書畫傳嗚呼纒十一便  
可傾舫船探懷發二寶太公新室錢獨行齊大牙  
錄形末環連文存半辨齊背有模法圓次觀金錯  
刀一刀平五十其此精銅不蠹蝕肉好鈎婉全為  
君舉酒盡跨馬月娟娟

送嘉州監押曹供奉

舊交尹師魯嘗作送子文文存人已歿行復我何  
云平時為郡尉退方宜撫軍定過楊雄宅野鶴自

成群

答仲源太傅八日遺酒

陶潛九月九無酒望白衣何言先一日雙榼忽我  
歸借問遺酒誰天宗分日暉明當酌大斗黃菊燕  
醅肥李賀諸王孫作詩字欲飛聞多錦囊句將報  
慙才微

送張生還和州

山頭孤石望來久天外行人今獨歸藥囊自有出  
生術不管淮南木葉飛

李康靖少傅夫人挽詞二首



九月秋風急三川苦霧迷  
卽新墜放度筆短蕭  
齊寶劍知終合靈蟾已墮  
西松門來會葬車馬幾  
千蹄  
板輿曾至鄭靈輅此歸周  
行楚人增慕凝茄月正  
秋九原開柩穴故土覆新  
立歲晏寒松下茅苦孝  
子留

送韓文鏡寺丞宰蕭山

吳會未探元廣陵先看潮  
橫江百馬怒卷海萬聲  
驚舟楫凌湍發魚龍接浪  
跳薄言壇勇氣少當舉  
山

蔡君謨示古大弩牙

黃銅弩牙金錯花銀闌線  
齒如排沙上立準度可  
省括箭溝三道前直穴其  
度四寸寸五刻塗光歷  
歷無纖差蔡侯出此問誰  
得往年客遺來瑯瑯瑯  
瑯築城穿厚壤旣獲磨洗  
爭傳誇莫知歲月孰製  
作精妙近世應難加發機  
高下在分刻令人妄射  
功仍賒願侯擬之起新法  
勿使邊兵死似麻

和劉原甫省中新菊

華省切星斗沉沉巖燕房  
秋風茂陵孫種菊爛生  
光天晴蝴蝶飛上下舞雙  
黃劉郎才筆豪移榻吟



在傍日晚吏已散殘景上粉牆有酒無飲伴撥葵  
襟裾香還思陶淵明弃官歸柴桑東籬獨此物盈  
把恨無觴賴有白衣來好事遺壺漿適意各一特  
豈乏同舍郎

依韻和仲源獨夜吟

秋鴻聲澀秋絃苦塗金博山煙夜吐寂歷虛堂燈  
暈生誰人共聽西窓雨

寄題周敦美琨瑤洞

仙人采玉驅雄龍列山剖璞青腔空因邃爲室曲  
爲室石乳溜壁光玲瓏仙歸龍去草樹長蔽翳不

復人蹤通指壇買墅下峯下沈斲務欲險怪窮地  
鱗鹿跡尚莫到安問樵老諸牛童古人未得全已  
得萬景付與由天公何當歸來斂頭角任從寶我  
生白虹陰溪淺水菖蒲綠下有蝦蟇雙眼紅及時  
佐酒斫兩股勿使更入明月中

許生南歸

大盤小盤堆明珠海估眩目迷精麓斗量入貢由  
掇拾未必一一疵類無不貢亦自有光價此等固  
知魚目珠許生懷文頗所似暫抑安用頻增吁倚  
門老母應日望霜前稻熟春缸稔歸來爛炊多釀



酒洗蕩幽憤傾盆盂九卿有命不愁晚朱邑當年  
是嗇夫

得沙宛楹棹戲酬

疾藜已枯天馬歸嫩蠟籠黃霜冒榦不比江南橙  
袖酸囊駝載與吳人看

寄題杭州廣公法喜堂

淘青研朱畫屋梁黃漆相障連曲房日暉月色不  
須照了了自可窺毫芒夕陰花斂似欲病飛鳥不  
驚烏帽郎深山窮谷謾幽僻喜得吳儂是藥囊

題滿公僧錄西明軒

赤萍纓落鄧林外青銅半磨傍露明飛光斜入了  
不隔坐卧一榻琉璃平西方古胡黃金質貝葉傳  
寫烏行橫謂曉此教居此軒滿壁圖畫遙峯生

寄題撫州戴秀才息心亭

蒼蒼開幽林峯嶺日相對雲歸垂衣纓泉落嚮環  
那仕宦雖有負耳目得以貧俯仰宇宙中晏然  
進退

送臨江軍監酒李太博

三江卑濕地北客宦游稀霧氣多成雨雲蒸易積  
衣白醪燒甕美黃雀下田肥未辨殊方語山歌半



是非

道損司門前日過訪別且云計程三月到  
郡正看暗惡海棠頗見太守風味因為詩

以送行

蜀州海棠勝兩川使君欲賞意已猛春露洗開千  
萬株燕脂點素攢細梗朝者不足暮秉燭何暇更  
尋桃與杏青泥劍棧將度時跨馬莫辭霜氣冷

送雪竇長老曇穎

朝從雪竇請暮卷雲衲輕莫問居士病自從他方  
行吳霜點鬢根海鳥隨衆迎安隱彼道場萬事都

忘情

送襄邑知縣杜君懿太博

霜落水未落令君將度河農耕休叱耒女織罷鳴  
梭亦憤驅亭長丹砂掣印窠無慙浚儀政才比陸  
雲多

送晉原喬主簿

太守登車時我病不能出遙期玩海棠度險馬屢  
叱唯畏行邁遲惡欲及春日何為愛此花曾非桃  
杏匹生紅濃復淺瘦帶脩且密湖傍幾十樹雕盤  
擁新漆酒傾瓊盆月上歡未畢縣官同遠宦簿



領無督詰刻意詠芳菲追補李杜失

否四十一月十三日病後始入倉

曾非雀與鼠何被大倉為孤裘破不温黃狗補其

皮霜花逐落月綴在枯槁枝予年過五十瘦寢冰

生肌

閔尚衣盜袴

昔聞廉叔度能使民多袴多袴非或貪持新不忘

故嗟嗟亦王官奚自門閔汗中府中紋綾袖之呼

馬去左右即其私邀索乃就捕三公出死狗訓導

能有素今同竊缺者見爾皆此趣

胡夫人挽歌

已哉胡夫人其壽七十餘其子哀母死少髭皓

如髭白髮亦白長號守茅廬扶棺埋吳雲來會傾

市墟誰復向寒月卧冰求鯉魚

裴直講得潤州通判周仲章鹹鼓遺一小餅

金山寺僧作鹹鼓南徐別乘馬不肥大梁貴人與

年少紅泥罌盜鳥歸飛我今老病寡肉食廣文先

生分遺微

贈裴直講水梨二顆言太慙答吳甘三顆

以為多走笔呈之



綠橘似甘來太學大梨如水出咸陽莫將多少爲  
輕重試擘霜包幾辦香

送樂職方知泗州

長堤凍柳不堪折窮臘使君單騎行蘇合輕裘霜  
莫犯銅牙大弩吏先迎山旁楚賈連橋泊水上禹  
書寒磬清試向郡樓東北望煙波千里月臨城

和劉原甫十二月十日試墨

海神不朝雲不作大梁塵土蔽天高道傍牛喘復  
誰問佛寺吹螺空唱豪相公跪香恬且佚陛下  
減膳心焦勞因君試墨偶有激勇辭壯筆揮長刀

予無奈何亦思飲飲竭甕甕從鋪糟

十二月十三日喜雪

三日朔風吹暗沙蛟龍卷起噴成花花飛萬里奪  
曉月白石爛堆愁女蝸大明廣庭踏朝駕雉尾不  
掃粘宮靴宮中才人承聖顏捧觴稱壽呼南山三  
公免責百姓喜斗酒十千誰復怪

送劉職方知汾州

西河風俗厚尚翹古所聞子夏有遺廟千木有遺  
墳太守下車日當先此二君不必汾水上秋風看  
鴈群



十三日雷後晚過天漢橋堤上行

堤上殘風雪橋邊盛酒樓樓鞍衰意盡倚檻聽歌

留海月開金鑑河冰卧玉虬當年洛陽醉偏憶董

槽丘

送崔黃臣殿丞之任廬山

驛駒西行四千里直度經橋百尋水石上菖蒲未

見花蒙頂茶牙初似菊采時應憶故園春故園開

焙亦思人其間杜鵑不中聽花耳聊看錦雉馴青

崖鞭垂瘦地尾仙人指節隨騰起所取他年跨馬

歸劍棧秦山多折筮

十九日出曹門見水牛拽車

只見吳牛事水田只見黃犂負車輒今牽大車同

一群又與駝驢走長陌印頭闊步塵蒙蒙不似較

耕泥汨汨一之夜眠頭向南越鳥心腸誰辨白

吳太博遺稚子

太學先生欺綠橘裝如梅近有贈吳興才士與黃柑黃柑似日

勝崖蜜帶葉初擎翠竹籃還料楚王曾未識徒將

薄實託江南

和普公賦東園十題

橫芳亭



結宇東園中種花待春風口歌金縷衣手折菱花  
紅今日映綠髮他年羞青銅

清心堂

寂寞外物亂境清心亦清彼皆居深谷此獨處重  
城夷齊食薇蕨千古首陽名

石筍

削出青山根峭立碧玉圭不作湘竹老不染帝子  
帝不為盤中蔬豈與煙茁齊

待月亭

明月過三五飛出滄海遲佳人望清夜隔樹光離

離不須磔蝦蟆寒魄自有虧

虛白堂

空堂絕纖塵虛靜自生白長風吹丹東總戶如不  
隔漆園茲趣深赤水珠難索

假山

太山不可登石齒齧人足聊集怪異奇蒼蒼都在  
目阿頰引寒流平地作溪谷

書齋

聖賢有事業皆在經籍中已愛牙作豕可輕山陽  
銅逐來讀詩禮不用辨魚蟲



小池

小池依小山山晴翠光入無容礙  
野鳥間有孤鶩  
立曾不起波瀾石郵風自急

紫竹

西南產脩竹色異東筠綠  
我蕭疎映樓層引枝宜鳳  
宿移徙幾千里不改生幽谷

山茶

紅蕩勝朱槿越丹看更大  
臘月舊寒雨楚梅猶不  
奈曾非中土有流落思江外

宛陵先生文集卷第十七

宛陵先生文集目錄卷第十七

除夜雪

和吳冲卿元日

元日

和仲源暮冬見寄

送韓寺丞

和原甫風花

貽妄怒

十六日會靈火

送潘司封知解州

飲酒呈鄰幾原甫

寄渭州王龍圖

雪中赴宿懷鄰幾

送薛虞部

送宣倅馬屯田

觀拽龍舟

二月四日雪

答劉原甫

聞語十方璉長老



垂拱殿起居聞捷

十五日雪三首

聞密賜

送晏寺丞

江鄰幾饌鱸

淘渠

蓬生麻中

賣鹿角魚

夜與原甫步歸

高陽關射亭

京師逢賣梅花

欲訪宋中道

丁右丞挽辭二首

廷老傳沛語戲作

送胥寺丞赴洛

送徐殿丞婺州倅

韓子華招飲

送下第親舊

燕

兩

晴

送胡公疎之金陵

送裴虞部知信州

送李推官之岳州

和南齋畫壁歌

媯婦

送端式歸漳州

送黃殿丞潤倅

揀花

和端式見贈

楊公蘊華亭宰

保之遺水墨扇

送汝陰宰孫寺丞

和曇穎四明十題

目錄終



宛陵先生文集卷第十七

除夜雪

擊鼓人驅鬼漫天雪送寒臘從今日盡花作舊年  
看著樹多還墮隨風積更乾明朝預王會畏濕兩  
梁冠

和吳冲卿元會

千官車馬闐闐來畫漏始上闕闕開我我左右升  
龍進昨夜雪飛雲作堆殿前冠劍魚鱗立東風入  
仗旗脚迴黃鍾一奏寶扇掩玳簾卷起香霧排  
稍未盡霹靂響翠輦已退黃金階聖人端冕御法



座大樂旅作聲和諧群公抃蹈升拜下尚書奏瑞  
四夷懷柔輿却入更衣閣通天絳袍陞玉榻百拜  
稱觴萬歲聞兩廊賜食簪裾匝曲傳太定舞綴珠  
波旋煙斂飭宮車衛官解嚴多士退日光停午氣  
象舒吳君才華天下傑歸來作詩傳石渠石渠祕  
邃無凡愚石渠酬唱皆嚴徐我慙短學復在後收  
餘糧棄聊以書

元日

頻年無入閣今日預朝元丹陛登金奏侍臣稱玉  
鑄旗旌採細仗雲霧啓千門都出蒼龍闕衣冠萬

馬屯

依韻和仲源暮夏見寄

曾未學黃庭衰頰已可驚詩能如阮籍評不愧鍾  
榮玉軫調初美冰壺想更清兔園風雪甚遠聽鴈  
來聲

送韓子文寺丞通判瀛州

嘗聞河間守介直天下無選才亦且殊鐵網收珊  
瑚珊瑚得亦難鐵網取亦劬況茲戎馬郊爲或維  
多謨新春度滹沱冰上少馳驅

十七日和原甫風花偶書

用其韻



風花不戀枝脫萼亂翻飛自學空中雪寧同垣上  
衣繞庭面旋久無著衆鳥爭御何處歸

貽妄怒

飲食無遠近所美貴甘饒南方食蝦蟇密捕向清  
吠齒咀口且諱聞語輒忿喘此物何醜惡猶勝螺  
螯蜆西蜀亦取之水田名穀犬彼士不為慙吳人  
休獨恤豈須若中州牛羊烹大饗

十六日會靈火

章聖皇帝興三宮三宮鼎峙何崇崇天聖七年六  
月尾玉清始災壇宇空于今二十有五載上元後

夜星軫中乃聞會靈五殿火丹焰徹天明月紅千  
楹萬棟一夕盡赤煙奔突西南風先時二日車駕  
幸 爲民祈福輸清衷大臣驕蹇不從祀岳靈不  
歆爲不恭若此示變猶影響宜鑒陛下無惰容神  
非怒乙遂及甲天意警聖不警凶不獨洪水累堯  
德堯仁未忍流驩共

送潘司封知解州

其文筆守此州

鹽池暗湧蚩尤血紅波爛爛陽烏熱岸旁遺老記  
南風五月滿畦吹作雪白徑嶺上索駝鳴太行山  
中騏驥亦古人射利令人同行商不困何由設朱



輔太守自東來先世大夫留故轍是非取與應不  
移秦人休術張儀舌

飲酒呈鄰幾原甫

天地不爭行日月不爭明晝夜自顯晦冬春自枯  
榮夸父逐日死共工觸天傾二子不量力空有千  
古名寄語賢與愚何嘗見長生我願會良友醉顏  
日常頽東海爲酒罇五湖爲杯羹海罄湖且竭盡  
倒爲解醒苟死不復知苟生徒牽情項籍乘牛車  
馳上廣武城強梁取秦鹿慷慨猶爲輕歸來卧酒  
家豈得慙公卿樂亦但如此舉世任營營

寄渭州經略王龍圖

西城橐駝來賀蘭入貢美玉天可汗蕭關夜開月  
團團彈筆古峽鳴哀湍前將軍不擐甲取大官今  
將軍能撫士尚盤桓河西五郡兵氣完駿馬躍棧  
無箭瘢我嗟乘劣不受鞍焉得乞與都人看

二十一日雪中赴宿懷鄰幾原甫

正月東都雪多於舊臘時酒賓臨迥閣野雀集枯  
枝馬向西城度花從上苑逢劉郎與江叟相對定  
爭碁

送永興通判薛虞部



灰宮盜玉秦樓空南山不老天無窮  
蘇碑剝爛少文字兩耕拾寶牛蹄中  
其旁築城聚貔虎黃土炭業如削  
銅西州吏人氣吐虹摧鱗斂角聽相公  
少年別乘勤爾躬幙府甚盛瓊瑤叢

送宣州簽判馬屯田兼寄知州邵司勳

寒溪翠拖碧玉帶蒼山晴卧蛻骨龍  
水邊苦竹抽肥筍石上老蕨拳紫茸  
泊船繫纜宿明鏡昭亭廟古攢瘦松  
陰風雨電潭心起雲遮北嶺如墨濃  
田秧浸綠白鷺立內史出喜嘉賓從  
昔時謝公來賽神蘭肴作椒金作鍾  
睵詩娃何名已失板蠹粉落蟲鳥蹤  
我卿復傳召南化磨鏤黑石君亦逢

觀拽龍舟懷裴宋韓李

截春流築沙坻拽龍舟過天池尾矯  
矯角岐岐千夫推萬鱗隨驚鴻鵠沉魚  
龜春三月輕服時薄水殿習水嬉馬特  
特來者誰魏公子人不窺車麟麟集其  
涯邯鄲倡士交馳銀餅索酒傾玻璃用  
錢如水贈舞兒却入上苑看鬪雞擊毬  
彈金無不爲適聞天子降玉輦當門虎  
脚看大旗春風吹花入行轡紅錦百尺  
爭蛟螭雲蓋迴綵纜維明年結客觀未  
遲



二月四日雪

前日春風初擺條昨夜雪飛深三尺北帝及臘不  
行令東皇發煦遭爾厄侵時奪氣四時錯歡問上  
天何不責天高地厚語難通俛首下土徒叩額或  
言莫信難可聞鶴鳴至微猶不隔休問天問顏蹠  
休看花看壘麥

答劉原甫

生早多交友常恨會遇稀每念相笑語昨是今或  
非重惜向時游出處苦乖違從今儻有酒莫問梨  
栗微前夕呼我飲遣奴來扣扉暗犯風雪往醉脫  
冠服歸夜來新霽月清吐萬里輝劉郎戴幅巾江  
吏披褐水相過無百步誰虞竊訶譏三家若楮環  
但知具甘肥

聞語十方璉長老

舊居廬嶽寺新化給孤園還享國人供應無塵事  
喧有來聽窅夜一悟見吹幡不憶爐峯下臨溪看  
飲椽

十一日垂拱殿起居聞南捷

二月雪飛雞狗狂錦衣走馬回大梁入奏邕州破  
蠻賊絳袍玉座開明堂腰佩金魚服金帶揭前拜



晚稱聖皇朝嚴氣變和氣初令漏泄飛四方將  
軍曰青才且武先斬逗撓兵後強從來儒帥空賣  
舌未到已愁苑葉黃徘徊嶺下自稱疾詔書切責  
仍勉當因人成功喜受賞親戚便擬封侯玉昔日  
苦病今不病銅鼓奔擲無鏢鎗

十五日雪三首

寒令奪春令六花侵百花塘冰膠鷺嘴野水澀芹  
牙擁柱輕於絮吹墀淨若沙乳禽飢啄木誰悞撥  
琵琶

新雷奮地甲密雪關鴉毛正欲裁輕殼重令著弊

袍沙泉流復凍煙夢坵遠鶻只待鄰醅熟微聲聽  
酒槽

春風九十日一半已銷磨準擬看花少依稀詠雪  
多官車猶載炭抱鵲不離窠向此興都盡戴家誰  
復過

聞密賜

朝聞政府賀捷回夕賜明月五千枚巍巍聖皇德  
所該廟略付與何有哉况未覆穴翦渠魁宜先載  
士老與孩傾肝瀝膽謝不敏豈可便恃張良才

送衛真宰晏寺丞罷長安



拾琴辭苦縣解劍入函關鵲報遠人至馬衝春雨  
還荒榛郊北園葱翠國南山歸見蕭何政條令舊  
錫間

江鄰幾饌鱸

泥鱸魚之下曾不享嘉賓又嫌太健滑治洗煩庖  
人煎炙亦苦腥未嘗輒向脣江侯昔南官家善無  
此珍昨日邀我餐下筋勝紫鱗乃知至賤品唯在  
調甘辛

淘渠

開春溝畝春泥五步掘一塹當塗如壞堤車無行  
轍馬無蹊遮截門戶難火迷屈曲指疑高復低芒  
鞋苔滑雨淒淒老翁夜行無子攜眼昏失脚非有  
擠明日尋者爾瘦妻手提幼女哭嘶嘶金吾司街  
務欲齊不管人死獸顛啼

蓬生麻中

麻畦無曲本蓬質有樛莖所託脩仍直安能縱復  
橫擇鄰聞舊母益友記諸生蕭艾從茲遠蒿萊不  
可并何嗟蔣誦逕孰念衛人行儻匪綠其地秋風  
廣漠驚

賣鹿角魚



水中龍角而足海小魚角蟲蟲不擬龍乃擬鹿譬  
彼蝸抗蟹犢漬以醎鹵久且醜持賣都市參鼎錄  
此人何苦獸猪羊甘爾臭味不飽腹

夜與原甫江家步歸

二十三日

丹砂漆盤盛井水冷浸半坼山櫻花始見春色不  
柰喜黃昏招飲夜還家劉郎居南我居北陌上泥  
開天正黑風吹蠟燭燒未明素絲作履惜不得

高陽關射亭

星弧射狼夜夜張角弓備寇不可忘將軍屯師古  
關下不尚武力何由強日與兵官來會此弓須

硬箭射長更如弄中光烏斃獨見杲杲明扶桑

京師逢賣梅花五首

此土只知看杏桑大梁亦復賣梅花此心還似庾  
開府不惜金錢買取謔

驛使前時走馬迴北人初識越人梅清香莫把茶

秦此只欠溪頭月下桮

憶在鄱君舊國傍馬穿脩竹忽聞香偶將眼趁翅

蝶去隔水深深幾樹芳

曾見竹籬和樹夾高枝斜引過柴扉對門獨木危  
橋上少婦髻髮猶戴歸



此去吾鄉二千里不省素夢兩三年移根種子誰  
辛苦正荒偷來直幾錢

三月五日欲訪宋中道遇雪而止

蝴蝶飛時雪鬪輕滿街撩亂得人驚欲尋宋子東  
城去馬畏春泥不敢行

觀文丁右丞挽辭二首

預政公槐亞談經帝席陳儉恭齊國相清淨漢廷  
人去夢嘗爲蝶遺文不解麟一聞車馬幸豐賜及  
孤臣

春風百花發露挽九原歸白馬悲鳴駐黃鸝下上

飛龍邊新相盛門外弔人稀獨見東牀客攀車淚  
濕衣

廷老傳沛語戲作

夷門市裏俠羸老公子時能釋禮過莫問孟嘗招  
致客薛中遺俗尚應多

送胥平叔寺丞赴洛

軍車細馬出虎牢春雲黝黝百舌喙毅兩巴近花  
欲盡秉燭夜飲朝坐曹因君重思昔日歡醉筆狂  
掃蒿丘高于今零落二十載縱在各各歎二毛試  
採上陽何首烏刮切仍致苦竹刀俗情相望亦異



此競欲折筍籠含桃

送婺州通判徐殿丞 赴上當在後年夏

疾湍怒蛟龍不畏東風逆  
汙汙奔長淮十里在咫尺  
辭梁始及晨過宋尚未夕  
南州豈難到何處淹

行迹

三月十日韓子華招飲歸成

清明曉赴韓侯家自買白杏丁香花  
雀眼塗金銀  
茂籠貯在當筵呼舞娃  
舞娃取捧笑向客不顧插  
壞新烏紗朝來我舍報生子  
賀勸大白浮紅霞酒  
狂有持梧桐板暴譴一似鄱陽槎  
袒楊擊鼓禡處

士當時偶脫猛虎牙  
褊衷不容之何益鸚鵡洲上

空薰葭

送下第親舊

花開風雨惡坐見紛紛落  
明日結子時又復有脫  
萼莫嗟樹漸老樹老子亦著  
共愛西枝繁不數東  
枝弱他年會有春却看西枝薄

鷺

一避吳宮火千年楚屋春  
翅迎風雨健聲入戶庭  
頻掠水過長渚街  
蟲落覆塵休將漢皇后故  
故比輕身



雨

春雲易成雨一日幾迴陰鷺濕飛猶快花寒色更深  
遶車愁客遠盤馬畏泥侵向晚晴光吐西窓綠影臨

晴

風掃天如鑑雲開日似萍  
苑花猶帶濕蔬甲已微青  
蝶翅粉應薄塘滑波更渟  
尋春不惜醉莫笑髮星星

送胡公疎之金陵

綠浦作帆一百尺波浪疾飛輕鳥翻  
小步山傍夜泊人石頭城邊舊游客  
月如冰輪出海來江波千里無物隔  
自古有恨洗不盡于今萬事何由白  
依稀可記鮑家詩寂寞休尋江令宅  
楊花正飛鮒魚多食膾舉酒謝河伯  
但令甘肥日飽腹誰用麒麟刻青石  
去舸已快風亦便寧同步兵哭車輓

送裴虞部知信州

積青歷歷正面山刺史日坐雲屏間  
楚人竟握水精璞漢女買作月珮環  
時惟產寶不重穀願當化俗無弃管  
往辭丞相相有言物景清絕何由攀

送李推官之岳州



崑崙鷲子五兩竿霧露薄水平湖寒風帆美滿八  
百里夕從岳陽樓上看魚跳鷺立月鉤下星平爛  
爛垂欄下羽書不到罇姐裏蠻兵況去荆楚安武  
尋燕公舊賦筆磨圭刻碧獨可完問楚人使歸不

和和之南齋畫壁歌

終南下臨長安城峻欄高檻黃金羸高山亦近洛  
陽陌解車怒馬一日程大梁平廣匝千里不見雲  
峯來眼底其間自有高趣人掃室呼工崑壑啓初  
疑巨靈勇擘華不比將軍能聚米暗雨輕煙滿室  
中塵事如脂一朝洗又將餘力作修竹石上數莖  
風撼玉葉斜枝亞寒聲盡節老根擗生意足何須  
踐苔眠綠陰然後始爲嵇阮公三賢歌詠已見意  
舞女不省頻整簪

媯婦

黃金一丸入雲端群貧望逐滿長安衆人爲貴媯  
不惜棄擲如泥貨彈射藏身葉底有能鳴辜負春  
風拖雨翻不飛上天訴至珍幾人辛勤揀砂石

送端式歸漳州

來居天王都常夢苦竹溪乃識高僧趣不爲利物  
迷海燕乘華屋區區竟銜泥安知矯翼鷗豈類斷



尾雞性同而質殊何必莊指齊

送黃殿丞通判潤州

前年江州飛火龍樓殿化盡山將鎔今聞棟棟復  
華壯大閣渠渠出波上南徐別乘簡且閑下馬岸  
旁呼盡舫衣日江風不畏人檝師孫獐欺白浪衣  
上京塵莫厭多斗擲中流雲在望

棟花

紫絲暈粉綴薛花綠羅布葉攢飛霞鶯舌未調香  
萼醉柔風細吹銅梗斜金鞍結束果下馬低枝不  
礙無關遮長陵小市見阿姊濃薰馥郁升鈿車裏

輕貧賤出閭巷迎入漢宮人自誇

次韻和端式見贈

不為阮步兵發詠怨朝陽不學龐大夫行吟思攀  
芳其雨豈無時細佩空自香吾道不苟合我懷固  
有常江南一畝宅近在句溪旁仕官且如此夢寐  
安敢忘以子論言多重歌木桃章

楊公蘊之華亭宰

月徑千里天中有神娥宮宮旁種玉桂柯葉垂瓊  
瓏蝦蟇穴其根出輒氣墨蒙光魄縱復吐血赤如  
頑銅不知從何時更使人蹤通年年折桂枝寬少



尚易充今年初都盡禿株立童童株禿莫爾攀墜  
雲雙手空歸來走海上買鶴問吳翁

端午前保之太傅遺水墨扇及酒

畫扇雙酒壺置前兵吏立言將國匠奇重以風義  
執樹石冰土看山河月中入便持菖蒲飲不畏青

蠅及

送汝陰宰孫寺丞

船郎唱榜鷺尾下潁水落日地鱗生綠蒲被岸漁  
網舉黃鳥喙甚綠車鳴吏無詬粗官正來不借魴  
鱖與吏烹饋吏人情見里堂官非喜慢知官清

和晏穎師四明十題

雪竇山

重雲不藏春深竇常有雪曉月號松棟暗壁挂海  
霓終恍無心人區區佩環玦

龍隱潭

老龍應潭窟不雨亦不雲吐涎出溪滑吹腥隔林  
聞疾雷驅未去魚鼈競紛紛

含珠林

山爲驅龍蟠谷作驅龍顛  
來何須循海隅笑蚌未成胎



偃蓋亭

既將茅覆簷復有松為蓋  
五雲<sub>山</sub>會<sub>意</sub>此得寒  
籟曾無康樂游但見雲  
衲會

雲外庵

山僧好寂靜入雲恨不深  
峯間<sub>林表</sub>孤燈  
沉往來有猿狖呼嘯自成音

石筍峯

巨石如龍孫聳聳煙霧裏  
明明<sub>溪</sub>納喧灘  
齒何當助齋孟菌蕈徒為美

宴坐巖

習巖  
於此下

心危身亦危社席尚顛墜  
如何<sub>石上</sub>來坐自安  
意能諭死生間無論寤與寐

三層瀑

山頭出飛瀑落落鳴寒玉  
再落至山腰三落至山  
足欲引黃春山僧房架剝竹

丹山洞

山無鳳皇飛洞有仙人跡  
蝙蝠大如鴉莓苔偏上  
屐自慙無道骨安問綠雲客

獅子巖

崑形若俊猊不能千里走  
豈無鳥獸群當假風雷



孔寄謝棲息人想像真妄有

宛陵先生文集卷第十七

宛陵先生文集目錄卷第十八

和原甫省中畫壁

和原甫山水

和原甫見寄

醉和范景仁東軒

與子華自內中歸

送傅都官待闕

吳冲卿出古飲鼎

江鄰幾邀觀書

和冲卿秘閣觀墨蹟

同鄰幾登吹臺

逢羊

和張寺丞見贈

和原甫對月見邀

和原甫月夜獨酌

和原甫早赴朝

和原甫盆池

送提點施屯田

和鄰幾晚赴館宿



送蒙城宰林寺丞

和原甫曉雨

送余中舍知德陽

勉裴如晦

送謝寺丞知餘姚

與蔣秘校久別復見

別弟彥臣

和穎老見寄韻

送余中舍韶州錢監

七夕詠懷

送弟禹臣

送叔昭上人

山茶樹贈李廷老

送吳都官成都倅

和原甫昭君辭

再依韻

飲劉原甫舍人家

和永叔退朝見寄

劉涇州硯

送劉秘校赴婺源

送闕郎中知磁州

和景彝冒雪晚歸

和景彝赴鄰幾飲

和冲卿傷何濟川

和景彝赴省宿

送李獻甫

送周諫議知襄陽

和原甫畫蟹

目錄終



依韻和原甫省中松石畫壁

依韻和原甫省中松石畫壁

依韻和原甫省中松石畫壁

依韻和原甫省中松石畫壁

宛陵先生文集卷第十八

依韻和原甫省中松石畫壁

省中畫壁

山林與城闕事物不相對唯聞秉道義所處無內

外趨煩而毀靜此理乃俗輩昔有天下賢喜得名

筆會買粉塗南墻松石生屋內石怪如春濤松偃

如起籟畫來二十年數偶未輒愛罕親憑按顏但

親抱犢背雖當省闈嚴晦昧欲何賴今逢茂陵人

獨唱亦豪邁

依韻和原甫屢屢許道寧山水云是富彥

國作判官時畫



山情水思半軒間試問來居有底閑唯有才高方  
暇佚無論歲月自能攀

依韻和劉原甫見寄

憶昔游臨汝千時太守賢山尋順風處城得秦龍  
遷民頸纍纍大池荷一一圓周碑嗟缺矣少室望  
嶄然羸馬居人後歸禽落我先事還如響答老夫  
若波旋賦分都應定元功豈得偏不須天以問自  
可鑒於前王粲今方樂邊韶舊好眠漢宮聊擲彩  
梵學競通禪語道滔滔是論情往往牽平生二三  
友南睇不勝情

醉和范景仁賦子華東軒樹次其韻五月廿日  
樹影落東墻影微人已醉休看枝上綠但對眉間  
翠

五月十四日與子華自內中歸

君注起居同左史我爲委吏退延和共經南陌東  
風急側帽偷看意已多

送傅越石都官歸越州待闕

越客舟從員定至夜夜鏡湖生夢寐曉度吳江百  
尺船洗眼重看會稽翠買臣負薪樵徑荒伯鸞貧  
春苔曰棄綠橘黃柑帶葉收白粳紫蠟侵霜飲食



解易美稷易飽綠桶佐酒柑佐醉莫論仕官遠與  
近布被練袍何所利君恬不忍乞丐爲且返故廬  
聊以遲

吳冲卿出古飲鼎

精銅作鼎土不蝕地下千年鮮花暮腹空鳳外留  
藻文足立三刀刃微直左耳可執口可斟其上兩  
柱何對植從誰發掘歸吳侯來助雅飲歡莫極又  
荷君家主母賢翠羽胡琴令奏側絲聲不斷玉箏  
繁繞樹黃鸝鳴不得我雖衰翁爲之醉玩古樂今  
人未識

二十四日江鄰幾邀觀三館書畫錄其所見  
五月祕府始暴書一日江君來約予世間難有古  
畫筆可往共觀臨石渠我時跨馬冒熱去開厨發  
匣鳴鑰魚義獻墨迹十一卷水玉作軸光疏疏最  
奇小楷樂毅論永和題尾付官奴又看四本絕品  
畫戴嵩吳牛望青蕪李成寒林樹半枯黃荃工妙  
白兔圖不知名姓貌人物二公對弈旁觀俱黃金  
錯鏤爲投壺粉障復畫一病夫後有女子執巾裾  
床前紅毯平圍爐床上二姝展氍毹繞床屏風山  
有無畫中見畫三重鋪此幅巧甚意思殊孰孰孰



假丹青模世事若此還可吁

依韻吳冲卿祕閣觀逸少墨蹟

奇哉王右軍下筆若神聖長戈與伏弩無不從號  
令賢豪雖林立帖斂孰敢競師徒氣揚揚龍虎旗  
正正勝聲塞宇宙自昔無此盛赫赫猶至今瑰瓊  
曷云並崇崇中祕書濟濟士游泳墨寶收盈厨來  
觀遇已橫始知前人蹟鑄多自失勁紙素僅未壞  
萬古傳莫竟一從歸人間夢寐不能更但媿將短  
才輒爾接高詠何羞趙壹窮自有鍾嶸評嘗聞曹  
將軍尚請賦競病我生羣俊末貧賤亦足慶文成

終媿君銛刀值枯梗

同江鄰幾龔輔之陳和叔登吹臺有感

在昔梁惠王築臺聚歌吹笙簫無復聞黃土化珠  
翠當時秦兵強今亦歸厚地我與諸賢良舉酒莫  
言醉曾誰問孟軻空自有仁義

逢羊

予晨過北郭見群羊有羝處前其首叩然而俛膂  
其角拱然而聳其毛茸然而長自膊至腕駸駸與  
纓胡相若其群狼逐而擁趨如奉焉及其宰也羝  
存而群死之予歸作詩示諸友云



牧人垂長髯驅羊從北道老羝壓大羣毛比長髯  
好暮歸同一欄朝出不擇草既肥當用烹從羝羝  
獨保狡誘以全軀角尾徒爲老

依韻和張中樂寺丞見贈

朝車走轉轉暮車走轉轉黃埃蔽車輪赤日爍車  
塵靡論遠與近安問踈與熟賢愚各有求往返相  
磨礱我馬不出門我蹟亦以踣心慕中樂賢道義  
聞且宿其言清而新其貌古不俗書可到二王辯  
可折五鹿徃見未爲勞定交然後篤惠詩何勁敏  
對欲射銅鏃穿楊有舊手鸞雀無全目強酬非所

當正將弓矢速

依韻和原甫對月見還不至

每愛孔北海樽中常不空今無酒與客唯有月兼  
風遠色曾何隔微涼亦已同更期三五夕靜坐接  
談叢

依韻和原甫月夜獨酌

月下馬蹄休擾擾夜涼蟲響競囂囂一椀獨飲愁  
何有孤榻無人膝自搖北斗柄高天漸轉小冠簪  
冷髮微凋誰知靜對頽然影竟夕幽懷豈易聊  
且藉西依韻和原甫早赴紫宸朝待旦假寐



月落西樓露氣寒大明將謁望清斑燭房猶照衣  
冠上漏舍欲爲魚鳥間入仗采旗開日月在庭公  
袞儼雲山我慙一似朝宗水亦得隨流到海還

依韻和原甫新置盆池種蓮花菖蒲養小

魚數十頭之什

瓦盆貯斗斛何必問尺尋菖蒲未見花蓮子未見  
心小鮮不足烹安用芎餌沉戶庭雖云窄江海趣  
已深襲香而玩芳嘉賓會如林寧思千里游鳴槽  
上清泠

送施屯田提點銅場兼相度領外鹽入唐書

江西采銅山未竭南越熬波海將結主人貪利不  
畏刑白日持兵逾盜竊銅私鑄器墮奪商死共吏  
爭蛇關穴姦豪乘勢倚蠻陬劫掠聚徒成蟻垤今  
雖屬前嶺下平尚恐根存更生孽子因擇健才通便  
民付職與權將有設秋香亭上共爲賓却作主人  
殊少悅徂東走北十五年只有山川看不別

依韻和江鄰幾癸巳六月十日同刁吳韓

揚飲范景仁家晚赴館宿觀吳興太守章

伯鎮題壁記辛卯仲秋初吉九月十一日

十月二十二日十二月十一日壬辰二月一日



詒直慨然有感

江翁多感槩飲散來直虛頭蹤有舊友連蹇常與  
渠昨歸天祿下念昔悲有餘未久復外補安能戀  
清虛得請向茗雲幽懷寄禽魚高城浸湖光面面  
當紅藥晚乘畫舫游四坐羅輕裾數盃已酩酊萬  
事應破除不愛趨時近不恤與世踈百歲且過半  
舟舟將焉如誰慕八十叟猶在磻溪漁嗟哉再宿  
夕乃自仲秋初清談固隔絕可見壁上書

送林大年寺丞宰蒙城先歸餘杭逋之姪孫

東方有奇士隱德珠在淵川壑爲之媚草樹爲之

妍歿來十五載獨見諸孫賢煌煌出仕塗皎皎如  
淮蟻今爲蒙城宰歸問浙江船何時度揚子夜入  
明月邊有寫不化鳧有琴何用絃真趣還自得治  
民唯力田

依韻和原甫六月八日曉雨

侵曉忽飛雨颯然戶庭涼滴階初聞聲濯樹暗有  
香吹燭焰閃閃鳴雞濕昂昂稍已便衣冠喜氣眉  
宇翔安然如涸魚响沫久已望塵纓自可潔何必  
念滄浪

送余中舍知漢州德陽



匹馬易爲秣單車長是輕秋風來棧道宿雨度關  
城石上樹林暗山根江水明桐花風何似歸日爲  
將行

勉裴如晦

裴侯失嬰兒心腸如焚煎愛玩白玉珠墜地不復  
全收拾見顏色瑩澈猶自妍鳳皇生九雛一卵破  
易捐況多令男子拭淚慰目前

送謝寺丞知餘姚

其姪師厚嘗宰此邑

姚江千里海汶應山井亦與江湖通秋來魚鱗不  
知數日日舉案將無窮高堂有親甘可養下舍有

樂樂可同縣民舊喜請郎政勳力莫媿今爲翁

與蔣祕別二十六年田斐二十年羅拯十  
年始見之

我今五十二常若離別煎屈指數離別正去一半  
年三君異出處相見有後先蔣最會遇早羅倍晚  
於田仕宦比我遲官資居我前此亦漫輕量無限  
歸荒墟所喜笑語同各驚顏貌遷髮有霜華侵目  
有蜘蛛懸有酒易以醉有奚徒用妍醒來念功名  
病癩希蜿蜒安得有園廬寬閑近林泉養魚數千  
頭種蔬三四屋餘蔬比昔稱此嘉果植亦然旣無俗



造請窮又事高眠因近後  
引數杯今兒請嘉篇仰首  
見出滄海暮見入虞淵畢  
億億萬萬載筋骨非至堅  
焉去去欲及時嗟嗟無由  
緣

別三十弟彥臣二十八日

朝鮮都城裏暮止汴堤頭  
滿目非相親寂默對河  
流

依韻和雪竇山曇穎長老見寄

使山無厭山林鳥正關關  
月入潭心白花明谷口

閑采新能自至流水不知還  
聞欲觀滄海高峯峻

亦攀

送余中舍監韶州錢監

孤着水中石片白蒼梧雲  
虞舜不可見蕭韶不可  
聞君為漢錢官鑿山取銅  
鑿韶石不生銅留為千  
古景

七夕詠懷

織女無恥羞年年嫁牽牛  
牽牛苦娶婦娶婦不解  
留來往一夕光弈弈河漢  
秋輕傳人世巧未知何  
時休喜鵲頭無毛裁雲駕  
車軸老鴉少斟酌死欲







君家婦何賢捨舟具車轂五年夢在梁三年行向  
蜀迢迢今日同辛勤昔時獨看花久莫留買錦慙  
不足歸來兒女大婚嫁應相續

依韻和原甫昭君辭

武帝常勒兵北登單于臺始欲以威伏竟亦慙懷  
來徒令出塞師萬里求龍媒未弭後世患王顏困  
黃埃丹青不足恨謀慮少徘徊月如漢宮見心向  
胡地摧在昔李少卿聽笳動悲哀壯士尚如此娥  
眉安得開情語既不通豈止腸九回初冬誠難保  
死不如草萊

再依韻

一嫁異域去不復臨鏡臺念昔辭家時豈爲單于  
來適遐國亦命配醜非由媒始欲並日月今嗟隨  
風埃僕侍共慘戚山川空徘徊鴻鴈爲之悲肝腸  
爲之摧寧聞琵琶樂但聞琵琶哀休言羊酪甘誰  
喜龜盧開故國萬餘里此生那得回乃知女子薄  
莫比原上萊

飲劉原甫舍人家同江鄰幾陳和叔學士  
觀白鵬孔雀鳧鼎周亞夫印鈿玉寶赫連  
勃勃龍雀刀



主人鳳皇池二客天祿閣共來東軒飲高論雜談  
譔南籠養白鵬北籠養孔雀素質水紋織翠毛金  
縷薄大誇鳧柄鼎不比龍頭杓玉印傳條侯字辯  
亞與惡劍刻辟邪符寶殊制作未觀赫連刀龍  
雀鑄錄錫每出一物玩必勸衆賓酌又令三雲髻  
行酒何掉約固非世俗驩自得闕古樂聖賢泯泯  
去安有不死藥竟知不免此烏用強檢縛開目即  
是今轉目已成昨歸時見月上酒醒見月落恍然  
如夢寐前語誠不錯

次韻和求叔退朝馬上見寄兼呈華原甫

公歸初退內朝班馳道南頭躍錦韞欲雨浮雲猶  
復暗背陰殘雪愈生寒穿袖已覺春禽語載酒重  
思結客驩吟寄侍臣知有意翠鬢爭唱口應乾

劉涇州以所得李士衡觀察家號蟾蜍硯  
其下刻云天寶八年冬端州刺史李元德  
靈卵石造示劉原甫原甫方與予飲辨云  
天寶稱載此稱年偽也遂作詩予與江鄰  
幾諸君和之

硯如剗墓腹如月又若剗瓢萌強發鐫題天寶年  
造之刺史李元傳自越剗墓剗瓢我莫分稱載作



年初辯君君雖能辯猶曰實

原甫詩云李侯實視劉侯得

實茲僅

物吾何云仰天大笑飲君酒硯真硯偽休開口願

封漆匣還與侯請共江翁獨持守

江詩云劉侯實死後忘慎勿將心逐事

送劉敬祕校赴婺源

雲木葱龍處雞鳴古縣城山高地多險源近水偏

清斫漆資商貨栽茶雜賦征案頭龍尾硯切莫苦

求精

送閻中孚郎中知磁州

簫管梁王臺風雪邯鄲道君行宇趙城我向夷門

老持麾邦寄重歌袴民欵早重岡古獵場驚虎誰

衰草

次韻和王景彝十四日冒雪晚歸

子猷多興憐飛雪向晚歸時又見飄拂馬隨人如

着莫舞空吹面亦勝消閉門我作來安睡呵筆君

為謝客謠記取明朝朝謁去毳裘重戴冷東窗

和王景彝晚逢赴江鄰幾飲

殘雪晚生寒良朋邀我飲逢君三省歸交纏一相

審乘興興未盡既盃盃太甚夜闌踏月迴火冷入

已寢

次韻和吳冲卿傷何濟川



生愛虛名苦辯亡，淪精竭智可哀傷。誰將事附三公傳，自有文誇古戰場。墳土未乾還卜穴，挽聲絕絕又新章。是非從此方應定，弟子猶爭左氏長。

次韻景彝赴省宿馬上

烏紗帽底青眸轉，朱雀街頭玉轡搖。燈火高樓吹短笛，簾櫳斜巷隘初宵。身歸蘭省唯看月，心在天津欲倚橋。枕上夜深應不寐，羨他年少酒微銷。

送李獻甫

覽君南來詩如對江上景，今忽告我歸東甌。生馬頭馬行日幾里，到家梅萼逢重登。石頭城為我一

引領

送周諫議知襄陽

藹藹荊州幾萬家，竟持壺酒望高牙。兒尚唱銅鞮曲，耆舊爭隨畫鹿車。雄鳴綠頭看漢水，肥鴈縮項出漁查。鄉人應笑張平子，只有歸田賦可誇。

依韻和原甫廳壁錢諫議畫蟹

諫議吳王孫，特畫水物具。至今圖寫名不減，南朝顧濃淡。一以墨聲殼自有，度意將輕蔡。謾殆被螯甚誤。



宛陵先生文集卷第十八

宛陵先生文集目錄卷第十九

和景彝喜子修書

送趙虞部

月蝕

和刁景純春雪

和楊待制詠雪

和景彝省宿

姪與甥下第

次韻和永叔

和范舍人對雪

歲旦呈永叔

和冲卿歲暮有懷

和冲卿元日

和景仁對雪

三和景仁對雪

和永叔新歲書事

送辛都官知鄂州

和景彝過景靈街

送韓玉汝知洋州



李祠部寄荆柑

韻語答永叔內翰

和子華移紅薇

和吳舍人即事

和長文社日出郊

和長文襟祀郊外

送馬都官

和景彝詠薛荔

和鄰幾賞小桃

長歌行

和長文春雨二首

送滕寺丞歸蘇

和隣永叔

和鄰幾同過金明池

目錄終

宛陵先生文集卷第十九

次韻和酬裴寺丞喜字修書

唐宋典冊竟駢羅漢詔重令與削磨古聖規模猶  
可法衆賢馳騁必無蹉既除太史來為尹遂用非  
才往補訛代匠只憂傷手甚君宜憐我不違他

送趙虞部士宏知蜀州

春風跨臘至雪作蝴蝶飛偏知蜀太守撩亂撲行  
衣何當海棠下歌管紅袖圍一飲一斗酒決訟如  
發機洛陽花自好聽從杜鵑歸

月蝕



有婢上堂來白我事可驚天如青玻璃月若黑水  
精時當十分圓只見一寸明主婦煎餅去小兒敲  
鏡聲此雖淺近意乃重補教情夜深桂兔出衆星  
隨西傾

次韻和酬刁景純春雪戲意

雪與春歸落歲前曉開庭樹有餘妍楊花撲撲白  
漫地蛺蝶紛紛飛滿天胡馬嘶風思塞草吳牛喘  
月困沙田我貧始覺今朝富大片如錢不解穿

次韻和揚樂道待制詠雪

梁苑孝王跡灞陵游客心牧羊來海上泛棹向山  
陰興賞曾何淺羈縲亦以深穆歌猶在竹郢曲自  
傳琴旗凍霑天仗槍寒拂羽林且爲豐歲慶休作  
苦寒吟掩帙都忘慮焚香靜擁衾晴明一登閣暮  
色徧高岑

次韻和景彝閏臘二十五日省宿

君嘗納史似吳兢又直甘泉馬踏冰重臘雪花  
方漫漫宿廳書架自層層按頭美酒初溫火簾底  
微風欲動燈未夜未眠鍾已發此心閑寂是高  
僧

姪宰與外生蔡駟下第東歸



事莫必有勝必勝難可持邇來罕相見世上多誇  
馳黃金鑄佩印白玉刻佩龜朝見恃赫赫夕見同  
蚩蚩方得靡不羨既處焉所施此理非一日更後  
當應知志士無終窮斯言非爾欺

次韻和永叔

省樹高槐雪豎條沉沉古屋蔽疏寮每嗟守印如  
枯木欲棄明珠學緯蕭漸老但知貧賤樂向來徒  
用歲時銷新年不管魚龍躍安得乘風入剡樵

次韻和范景仁舍人對雪

三尺沒霄雪京華頻歲無高低相掩覆竅隙似封

糊帖缺都迷醜增妍不問枯因時混貧富遇物得  
圓觚眩目曾何數流風不可圖冥冥山霧合浩浩  
海雲鋪未覺花飛葉先看霰集珠落機裁扇素獵  
野割膚腴粲兩娥奔月皓然叟赴醕薄才今揣稱  
小巧媿非夫

嘉祐己亥歲旦呈永叔內翰

增前去年雪鏡裏舊時人不覺應銷盡相看只似  
新屠酥先尚幼絲勝又宜春獨愛開封尹鍾陵請  
去頻

次韻和吳冲卿歲暮有懷



舊曆卷將盡慨然增未懷唯希步兵醉莫作太常  
齋孟浪從人笑踈愚共世乖定知當汨沒名不與  
功借

次韻和冲卿元日

天心欲銷變元會罷來朝新歲起今日舊年猶昨  
宵凍雲低覆闕殘雪稍封條又聽驅儻鼓群邪不  
可饒

次韻和景仁對雪

北風吹雪至浩蕩地疑無弈弈將如舞漫漫欲似  
糊沙場行不盡銀漢落應枯興發詩千首豪吞酒

百觚山川容可改圭璧巧能圖花竟因酥點砧半  
以練鋪未燭調鼎鷓全混蔽旒珠懷昔餐衣絮誰  
今食黍腹善歌知寡和釀飲遂成醕衆筆排堅陣  
多多困老夫

次韻三和景仁對雪

北度龍沙遠南來狗犬無玉階三尺峻粉壁萬重  
糊獸餒行迷穴禽寒立並枯長川平界限大屋疎  
稜觚稍見蓬萊闕初張雲霧圖受降釜甲積罷擁  
羽毛鋪被褐思懷實游都學賣珠車皆陳漆轡人  
盡得瓊腴編已贈吳札席將開漢醕鳳池批詔手



特地逞工夫

次韻和永叔新歲書事見寄

尖風細細欲穿簾  
殘雪微銷凍結簷  
盞裏醇醪無限滿  
鏡中白髮不知添  
妍童喜舞開羅幕  
小吏愁嘶入硯蟾  
幸得從公持直筆  
定應無復歎蓬鹽

送辛都官有終知鄂州

衣上大梁雪  
門前武昌車  
使君行有期  
將逢烏車旗  
車動自輾輾  
旗輕自舒舒  
去都越千里  
城在江上居  
黃鶴有高樓  
樓頭挂蟾蜍  
下見鷺鷥洲  
葭茁可以蒞  
爲弔爾處士  
沉蹤異三閭  
憶昔我仲父  
五

馬來躊躇願君訪舊跡因報八行書

次韻王景彝正月十六夜省宿過景靈街

宮街不閉東城月  
圓影繞虧夜色春  
自躍金羈來宿省  
從他錦帳欲誇人  
燈光遠近疑爭晝  
歌韻高低競起塵  
我老都無游樂意  
似君清枕睡侵晨

送韓玉汝太傅知洋州三首

函關見殘雪  
褒谷聞春禽  
禽響通朱輪  
馬嘶入青林  
花明亂石路  
雲抱寒泉岑  
天外漢江來  
城下漁網沉  
庖供縮項鱸  
坐使宮娥掛  
農桑不須教  
古俗自通今



渭入秦宮古褒分蜀道難泉聲春雨後月色曉程  
寒蠶浴桑牙短禽啼杏萼丹從來稱邵杜民俗在  
君安

春風東來幾萬里相送入關如有情灞陵原邊柳  
條暗咸陽橋畔桃花明自古恨別此兩處十千美  
酒瑠璃傾日落未落車馬動子規滴血壯士驚行  
哉使君負膽氣蜀道難險心常輕是時門前大桐  
樹爛漫紫萼啼流鶯弟兄同懷不可見應亦夢覺  
嗟遠程太白山前一尺雨桑下問蠶田問耕郡城  
夜開百姓喜喜從迢迢壺漿迎

李廷老祠部寄荆相子

踏雪衝風馳小吏帶霜連葉寄黃柑擗包欲咀才  
全動舉盞逢衰酒易酣書尾自題知遠意筆頭親  
吞獸多談故人莫覓新詩卷都似嵇康七不堪

韻語答永叔內翰

世人作肥字正如論饅頭厚皮雖然佳俗物已可  
羞字法歎中絕今將五十秋近日稍稍貴追躐慕  
前流曾未三數人得與古昔儔古人皆能書獨其  
賢者留後世不推此但務於書求不知前日工隨  
紙泯已休顏書苟不佳世豈不實收設如楊慶武



言且直節脩又若李廷中清慎實罕侔乃知愛其  
書兼取爲人優豈書能存久賢哲人焉度非賢必  
能此惟賢乃爲尤其餘皆泯泯死去同馬牛大尹  
歐陽公昨日喜疾瘳信筆寫此語謂可忘病憂黃  
昏走小校寄我東郭陬綴之輒成篇聊以助吟詠  
次韻和韓子華內翰於李右丞家移紅薇  
子種學士院

紅薇花樹小扶踈春種秋芳賞愛餘丞相舊園移  
帶土侍臣清署看臨除薄膚痒不勝輕瓜嫩幹生  
宜近禁廬此地結根千萬歲聯華榮莫比茅茹  
次韻和吳長文舍人即事見寄

莫問春風有後先但逢佳處去揚鞭桃花洞遠迷  
應久杏樹壇荒迹自傳放與曉寒能幾許即看芳  
意不多偏古來閑氣爭強弱謾費黃金拋楚權  
次韻和長文社日禠祀出城

曉出春風已擺條應逢社伯馬蹄驕壇邊宿雨微  
露麥水上殘冰壅過橋鷺子飛來依約近鴈行歸  
去試教調北扉西掖多才思相與飄飄在沈寥  
次韻和長文禠祀郊外見寄并呈韓子華  
鷓鴣知雨在桑中雄逐雌飛自不同胡粉未生輕



蝶白燕脂先綻野櫻紅  
高高樹裏鞦韆月獵獵塔  
頭簷雷風曉下祠壇多寄詠  
衣冠方侍大明宮

送馬行之都官

那亭山下送君時  
不畏西行劍棧危  
竿馬跨來身更健  
吳船乘去計非遲  
錢塘湖上尋雲屋  
巾子峰前種槿籬  
此趣已高天下士  
不須功業似鷓夷

和王景彝詠薜荔

植物有薜荔足物有蜥蜴  
固知不同類亦各善緣  
壁根隨枝蔓生葉侵苔  
薜碧後凋雖可嘉勁挺異  
松栢

和江鄰幾省中賞小桃

年年二月賣花天  
唯有小桃偏占先  
初見嫩紅無不喜  
終知俗艷幾多妍  
鄰翁已折郊園裏  
貴客爭誇粉署邊  
可惜工夫吟向此  
會須留醉牡丹前

長歌行

世人何惡死死必勝於生  
勞勞塵土中役役歲月  
更大寒求以暝大暑求以清  
維饑求以飽維渴求以飮  
其少慾所惑其老病所憂  
富貴拘法律貧賤畏管  
榜生既若此苦死當一切  
平釋子外形骸道士完  
髓精二皆趨死徒足以見  
其情遺形得極樂



昇仙上玉京是乃等爲死安有蛻骨輕日中不見  
影陽魂與鬼并莊周謂之息漏泄理甚明仲尼曰  
焉知不使人道傾此論吾得之曷要世間行

依韻和長文紫微春雨二首

年年潑火雨苦作清明寒梨花猶半綻塘水已迷  
漫愁看日更永冷漏夜未闌酒沫起玉盞燭淚生  
銅盤春衣向來脫帶眼斗覺寬試問彼侯少何處  
跨金鞍

春雨固多喜雖多安得愁既能勒花苞又解滋耕  
疇池添痕漲渠有細細流不同離婦怨一落不

可收定知矜有年豈似斗粟賙西掖吳夫子吟觀  
意遲留正聲隋雅頌高論等陽秋我慙才甚薄難

繼東山語

送滕寺丞歸蘇州

驅車入蜀時有弟母不往留婦侍母傍以子囑婦  
養昨得閭門書婦子死泉壤此心那得安弃官提  
轡軟東馳三千里鬻馬求吳漿吳漿速如飛歸來  
拜堂上堂前去時樹已覺枝條長豈無懷抱感爲  
壽酌春醪

次韻和疇求叔



香候條已和林上鳴鳥譁前日是清明驟雨霑梨  
花初開結客游愛此物景嘉歌舞未終宴夕暮各  
興嗟所嗟歸路暗嘶馬自知家公家八九妹鬢髮  
如盤鴟朱脣白玉膚參年始破瓜幾日苦霖霖當  
道跳魚鰓閉門飲濁醪鞦韆繫樹丫群姝莫要劇  
為公歌啞啞公當是日醉歡適不可涯孔氏有高  
第內自戰紛華我公豈其然秉直異蓬麻果効歸  
田去願從招轅車

次韻和江鄰幾送客回同過金明池

送別西亭車馬塵天池回傍欲迷津盡船龍尾何

時發丹杏梢頭漏泄春

風光猶未老於人獸口泉聲瀉碧津一洗塵襟無  
俗慮柳條開眼共看春

宛陵先生文集卷第十九



宛陵先生文集目錄卷第二

和劉原甫過不飲

送湯秀才下第歸

送門人游江西

卷末上人春日即事

送楊職方信州倅

送勾太丞穎州倅

和永叔六篇

詳定善次呈同舍

代鳩婦言

看花呈子華

禁中輕紅牡丹

和鄰幾桃花

啼鳥

次酬緝叔遺酒

和景仁殿幕閑興

游延義閣後藥欄

龍栢

延義閣牡丹



奉呈諸君

細竹

夜賦

三月九日迎駕

浹日

宮視

景福殿醱醖花

詩拜

石詠

逾旬

晨起

金沙花

賜食

賜酒

賜書

賜燭

賜果

檜詠

柳絮

殿後書事

雨夜

景福殿水

雨後

象戲

再觀牡丹

白牡丹

紫牡丹

七寶茶

庖煙

省中

天上

明月

再賦

殿中柳絮

目錄終



宛陵先生文集卷第二十

次韻和劉原甫紫微過予飲酒

所居汴水近未有鼓吹蛙昨日春雨晴車騎臨我  
家我家苦僻遠庭下無泥沙爲撒甕面醅爲煎鷹  
爪茶乳羹芼紫莢蜜果飮乾瓜與我相對飲但恨  
諸友邀笑語雖同昔放浪不少加忽觀壁間字坐  
歎目昏花公壯尚若此我老死豈賒門前賣桃李  
呼買婀娜華東簷大槐樹上有烏雀譁恃雀無猜  
嫌醉弁已傾斜將去還見規禮數何檢差後從江  
韓來襍帶歡莫涯



送湯廷賞秀才下第歸

參差綠柳上  
揜亂黃鸝飛  
失意暫時屈  
獨嗟千里歸  
淮船行欲駛  
江鮑去應肥  
謝眺吾知守  
欣欣見絲衣

送門人歐陽秀才游江西

客心如萌芽  
忽與春風動  
又隨落花飛  
去作西江  
夢我家無梧桐  
安可久留鳳  
鳳巢在桂林  
烏哺不得共  
無志桂枝榮  
舉酒一以送

答來上人春日即事

南國三衣客  
玉城一見春  
花明馳道遠  
雨漲御溝

新茗憶山中  
物雲懷嶺上  
隣如何異鄉  
感却出解空人

送楊中職方通判信州

從來饒信吏  
愛寶襲後越  
莫買冰玉盤  
蒼山斷明月  
明月有時生  
窮巖有時竭  
君常抱清節  
歷職老無關  
與我年齒同  
獨未變華髮  
又爲江外行  
畫舸羨明發

送勾諶太丞通判潁州

潁川倒灣流  
欄船曲轉鉤  
吏迎如太守  
民望亞諸侯  
芳圃深通野  
寒湖半抱州  
前賢多舊迹  
佳詠聽



君留

和未叔六篇

嘉祐四年春 御試進士翰林學士歐陽永叔韓子華集賢校理江鄰幾同為詳定官有詩六篇出而使予和焉

詳定幕次呈同舍

苑樹天邊雨露勻羣公偷看錦叢新眼穿欲折無由折賞到人間不是春

代鳩婦言

不如作蠶依沈蠶族以絲自裹還自足與爾為婦過一生怒即分飛同轉目辛勤哺雛寄鵲巢子母生離因爾逐羽毛曾未顏色衰飲啄不計豐儉時天陰輒違呼輒歸恩情紙薄誰信之朝為夫婦夕行路世間反覆那能知似妻白母非美事後代放此誠堪悲

看花呈子華內翰

時不選數老獨嗟鬢鬢毛未變自未花愛公深發見桃李長才高詠無能加紅英灼灼弄日色穠艸皎生鈿華長廊垂幕風不動映柳黃鶯吟未涯燕啣新泥補巢缺蝸壓峻陞臨角斜是時唯聞鳥雀



開盡日不聽車輪譁雖傳此景無分到但訝習慣  
猶豪誇他年造物儻有意不使齷齪居貧家

禁中輕紅牡丹洛中花之奇者

與公同是洛陽客今日論年皆作翁一見此花知  
有感衰顏不似舊時紅

和鄭幾學士桃花

深殿有春人到稀武陵雖說味當時躊躇莫憶人  
問世恐至塵中悔却遲

啼鳥

提胡蘆提胡蘆爾莫勸翁沽美酒公多金錢賜醉

耐名聲歷時為不朽百古子百古子春泥方滑滑  
泥雖滑滑筆道平莫學竹雞言易發深宮許爾來  
報春便是好鳥同其群清聲轉入君王耳安用穿  
叢苦避人桃李無言何所益畢竟有謝須紛紛莫  
以榮華長不歇人間已見翟公門安不忘危誰可  
貴貴時能憶困時聞

緡叔以詩遺酒次其韻雜言

君嘗謂我性嗜酒又復謂我耽於詩一日不飲情  
頗惡一日不吟無所為酒能銷憂忘富貴詩欲主  
盟張鼓旗百觚孔聖不可撻白眼步兵吾又師君



多賜壹能以遺向口滿梳傾玻璃醇釀甘滑泛綠  
蟻從此便醉醒無期既以樂吾真亦以泰吾身莫  
問今人與古人

和范景仁玉景華殿中雜題三十八首並次韻

殿暮閑興

宮殿深沉處鶯花爛漫時  
關關呖清吭舊舊發朱  
葵天上春應早人間日轉遲  
得賢如漢盛五字變周詩

游延義閣後藥欄

授經聞漢帝嘗此講秦餘  
一日承丹詔同時見子

虛來游瓊閣外閑傍藥欄初  
柳絮輕粘履薇條澁  
惹裾解歸策上鷲思寄袖中書  
此鳥如矜慎飛飛與客疎

龍栢

花非龍香葉非栢獨竊二美誇芳蕤苦練不分顏  
色近紫荆未甘開謝遲羣公莫以得地貴青事植  
句何足思

延義閣牡丹

花中第一品天上見應難近署多紅藥層城有射  
干生雖由地勢開不許人看天子何時賞官娥捧



王盤

奉呈諸君

參天朱閣峻拂地柳條垂太液綠波漲建章春漏  
遲長人執兵立小豎插花嬉但只逢人說無由預  
此時

細竹

森森漢宮竹託本異孤生玉砌綠根迸朱欄與筍  
平朝煙生密翠晚影漏斜明應待女媧未參差鳳  
瑤清

夜賦

月從東殿生叢竹照脩竹下葉間清露滴枝上寒禽  
動閑覺萬慮空靜聞嚴鼓重官燭翦更明相看應  
似夢

三月九日迎駕

前殿臨朝百辟回後宮廷閣九重開鳴梢已自金  
階出黃屋初迎玉輦來不問偷桃方朔飽誰知載  
戟千雲才群官望幸無名姓只有窮吟許外陪

浹日

光陰天上早氣候日邊溫懸蟻時過眼飛蟲稍入  
軒看花成子大聞燕養雛喧每覺瑤池宴風飄管



吹繁

宮槐

漢家宮殿蔭長槐  
嫩色葱葱不染埃  
天仗龍旂穿影去  
鈞陳豹尾拂枝來  
青虫樹後蜂嚙子  
素月生時桂並栽  
我意方同杜工部  
吟淘唯喜葉新開

有折景福殿後醅釀花至者

有鳥嚙花出清香  
不畏風初從上林發  
來過未央中  
簇簇霜包密層層  
玉葉同誰將作美酒  
醉看月生東

詩癖

人間詩癖勝錢癖  
搜索肝脾過幾春  
囊裏家無幾錢  
似舊風騷有喜句  
多新但將苦意摩  
層宙莫計窮涉  
暮津試看一生銅  
臭者羨他登第亦  
何煩

石計

君王愛石醜百孔  
皆相通怪狀一如此  
補天有何功  
匪言不可轉安得  
來宮中女豈比桂  
礎瑩然受磨龍

逾旬

重說已經旬應懷  
獨寢人通宵彈玉  
枕白晝拂床塵  
幾想迎雕輦何當  
快倦身門前車馬  
立疑是角



生論

晨起

月向西樓下天光候日開殘星明寶鑑百古響宮  
槐玉井傳新汲金爐換宿灰黃門馳有詔唱第許  
卿來

金沙花

金有披沙得花應不可多栽培由地力艷色與天  
和玉座君王賞朱欄將相羅稱觴千萬壽繁葉奈  
香何

賜食

誰言出相是山東今日求賢欲致功玉饌滿盤未  
禁裏瑞羹分鼎下天中但知愷悌酬君賜樽酒  
與向國風曾笑侏儒飽飲死宜思極殿不志志

賜酒

時領光祿酒花出漢宮墻湛露承天溼流霞滌羽  
觴近親龍尾道遠襲雀頭香羽斂人誰見終知曼  
倩狂

賜書 善經二字

選來金殿盡英豪 帝筆親承始是漕就裏少年  
唯賈誼其間蜀客乃王褒善經有意尊儒甚推澤



方知待士高歸付子孫傳百世深堂閑挂亦蕭騷

賜燭

天子賜燭昏夜時嫦娥閉月裁桂枝極量高下唯  
妍辭相與盡心無附離求安去病如上池照耀不  
容毫髮私品藻一定何可移光燭奪晝資爾為宣  
王徒美庭燎詩魏帝自散月致致我朝好士萬古  
垂搜索賢俊登高藜孰不力吐肝膽脾枉用宴飲  
生脛脂雲龍將見升駸駸燃此必欲無所遺收殘  
喜氣如蒸炊寒蜂慙愧空多知

賜果

前日宮醪賜玉尊今朝持果小黃門乾桃菓李非  
時物置校盈盤不次恩授以赤心思武帝握同玄  
璧詠劉琨嘗聞食奠陳王業知是幽公幾世孫

檜詠

文章老重欲追古便作帝宮蒼檜詩青葱玉樹傳  
楊子盤屈洪桃見左思龍鱗已愛松身直珠寶還  
看栢葉垂秀木艷叢那可擬但將霜雪定堅姿

柳系

陶令生涯在酒巾門前種柳萬條新花今吹作蓬  
萊雪曲舊行於闐塞人應與殘英閑是伴不隨舞



蝶去爭春可憐輕質都無定一落銀河莫問津

殿後書事

天子尋常幸直廬裹頭宮女捧雕輿紅泥已賜春  
醅酒黃帕之曾經御覽書林果鳥應嘶去後燕窠蟲  
有落來餘之宗中事事能傳詠播在人間不是虛

雨衣

雷光初照刺我葉上微風與雨和玉腕愁聞無  
處柰庭花暗落不應多長楊靜響千重瓦太液寒  
生幾寸波沈濯青春如有意平明濕羽未離柯

景福殿水

宮井蛟龍天矯垂曉餅初汲唱禽窺清冷已向金  
盆貯甘滑還從玉椀知九醞酒醇由此得小團茶  
味為留遲閣門地脉應相似翰苑曾邀詠昔詩

求叔曾邀余賦閣門水

雨後

新晴殿閣曉初日霧煙中柳重宮腰弱花肥粉頰  
豐渥恩君自厚藜藿我總充草木欣欣發誰知道  
化功

象戲

象戲本從碁局爭後宮龜背等人情今聞儒者飽



無事亦學婦人閑闌明堂上有奇誰可勝罇中賭  
酒令方行直驅猛獸如尋邑何似昇平不用兵

再觀牡丹

聞說偷觀近玉欄腸如車轂轉千盤無人憶著洛  
陽日走馬魏王堤上看

白牡丹

白雲堆裏紫霞心不與姚黃色闌深閑伴春風有  
時歇豈能長在五階陰

紫牡丹

葉底風吹紫錦囊宮爐應近更添香試看沉色濃

如潑不媿逢君翰墨場

七寶茶

七物甘香雜藥茶浮花泛綠亂於霞啜之始覺君  
因重休作尋常一等誇

庖煙

幕歷庖煙出綠油欲通雲霧未能周濕薪燒盡日  
亭午試問霏霏何處浮

省中

漢相家人尚苦疑不言溫室樹何枝君今坦坦無  
猜忌夸說皇居盡入詩



天上

紫微垣裏月光飛五佩腰間正陸離天上去來知  
幾日蟠桃結子是歸時

明月

明月已生城上頭小星光滅大星流來朝放勝出  
宮去何處殘花轉入溝

再賦

誰人重詠大刀頭只願長明不願流縱使西傾必  
東出寧向寒水瀉宮溝

殿中柳絮

玉几當中寶作林無端紫惹御袍香群公唱第魚  
龍化列侍金階若堵墻

宛陵先生文集卷第二十







